



Bosna i Hercegovina
Federacija Bosne i Hercegovine
Kanton Sarajevo
JU Narodno pozorište Sarajevo
Obala Kulina Bana 9
tel: +387 33 445 138
e-mail: uredidirektora@nps.ba
website: www.nps.ba
UPRAVNI ODBOR
Sarajevo, 05.06.2026. godine
Broj:05-3748/26

ZAPISNIK

sa dvadeset i osme redovne sjednice Upravnog odbora
JU Narodno pozorište Sarajevo
održane 05.06.2026. godine

Prisutni: Irma Efendić Adžajlić, predsjednica; Emir Nuhanović, član, Belma Čačo Bakrač, članica (ispred ustanove) i Amila Ramović, članica
Odsutna opravdano: Ljubica Pihljak članica
Sjednicu prisustvovao: direktor Pozorišta Vedran Tuče, Almin Hrnjica viši stručni saradnik za pravne poslove i zapisničar.
Zapisnik vodila: Armina Hadžićabdić

Za sjednicu predložen i usvojen sljedeći
DNEVNI RED:

1. Usvajanje zapisnika sa 27. redovne sjednice Upravnog odbora broj: 05-3470/26 od 26.05.2026. godine
2. Prijedlog Programa rada Javne ustanove Narodno pozorište Sarajevo sa finansijskim planom za 2026. godinu
3. Prijedlog Budžeta i programa Kultura na ulice za 2026. godinu (broj: 04A-KNU-3621/26) od 01.06.2026. godine u skladu sa osiguranim programskim sredstvima
4. Prijedlog Pravilnika o uslovima korištenja, iznajmljivanja i odobravanja popusta na prostore JU Narodno pozorište Sarajevo
5. Razmatranje Ugovora o podzakupu poslovnog prostora sa privrednim društvom Sinmax d.o.o.
6. Izmjene i dopune Plana javnih nabavki za 2026. godinu
7. Razmatranje žalbe Denis Zhuchenko broj: 3684/26 od 02.06.2026. godine
8. Tekuća pitanja

Sjednicom predsjedavala Irma Efendić Adžajlić, predsjednica;

Član Upravnog odbora Nuhanović Emir predložio je da se na Dnevni red doda kao tačka 2. – neodgovorena pitanja koja su ranije upućena od strane Upravnog odbora direktoru JU Narodno pozorište Sarajevo.
Dnevni red sa izmjenama je usvojen jednoglasno.

1. Usvajanje zapisnika sa 27. redovne sjednice Upravnog odbora

Upravni odbor JU Narodno pozorište Sarajevo jednoglasno je usvojio Zapisnik sa 27. redovne sjednice broj: 05-3470/26 od 26.05.2026. godine.

2. Informacija o neodgovorenim pitanjima upućenim od strane Upravnog odbora direktoru JU Narodno pozorište Sarajevo

Član Upravnog odbora Emir Nuhanović tražio je da se pitanja koja su ranije upućena direktoru JU Narodno pozorište Sarajevo ponovno stave na Dnevni red, te Upravni odbor jednoglasno donosi Zaključak kojim se:

Traži od direktora JU Narodno pozorište Sarajevo da dostavi sljedeću dokumentaciju i odgovore:

1. Zašto asistent dirigenta nije dirigovao po odluci Upravnog odbora JU Narodno pozorište Sarajevo
2. Ugovore sa privatnim sponzorima za mjuzikl Sarajevo moje drago
3. Ugovor sa firmom MULTIMEDIA d.o.o. Kiseljak, kao i sve ugovore sa pomenutom firmom o pružanju tehničkih usluga za JU Narodno pozorište Sarajevo i ugovore sa lično vlasnikom za pružanje usluga JU Narodno pozorište Sarajevo
4. Sve ugovore sa v.d. direktorom tehnike JU Narodno pozorište Sarajevo o obavljanju poslova, sve povišice na mjesečnu platu i druge oblike nagrađivanja
5. Ugovor sa koreografom za koreografiju i scenski pokret u predstavi Marlena Ditrch
6. Svi ugovori i uplatnice sa festivalom SVEM za period 2023-2026. godinu
7. Svi ugovori i uplatnice sa festivalom Balet Fest za period 2023-2026. godinu
8. Svi ugovori sa autorskim timom za mjuzikl Sarajevo moje drago

Navedeno dostaviti Upravnom odboru JU Narodno pozorište Sarajevo na uvid u roku od 7 dana.

3. Prijedlog Programa rada Javne ustanove Narodno pozorište Sarajevo sa finansijskim planom za 2026. godinu

Nakon informacije direktora o održanoj trećoj sjednici Umjetničkog savjeta dana 29.05.2026. godine, na kojoj je razmatran Prijedlog Programa rada Javne ustanove Narodno pozorište Sarajevo (tematski dio), započela je rasprava na temu Prijedloga programa rada.

U okviru rasprave o Prijedlogu programa rada Javne ustanove Narodno pozorište Sarajevo za 2026. godinu, članica Upravnog odbora Belma Čečo Bakrač istakla je da smatra kako se o predloženom Programu rada ne bi trebalo izjašnjavati niti bi trebao biti na Dnevnom redu bez prethodno dostavljenog mišljenja i odgovarajućih materijala Umjetničkog savjeta. Nakon toga članovima Upravnog odbora je rečeno da se dogodila greška, te im je materijal u printanoj formi dodijeljen na sjednici. Direktor je uputio Upravni odbor da je stav Umjetničkog savjeta prema predloženom Programu rada poprilično negativan. Zbog hitnosti odlučivanja, a obzirom na to da ovaj dokument Upravni odbor potražuje od januara, tačka je zadržana na Dnevnom redu.

U nastavku rasprave, članica Upravnog odbora Belma Čečo Bakrač izrazila je žaljenje što Prijedlogom programa rada za 2026. godinu nisu planirane premijerne produkcije Opere i Baleta.

Upravni odbor je konstatovao da je potrebno izvršiti određene dorade i unapređenja predloženog Programa rada, s ciljem obogaćivanja repertoarskog sadržaja i sagledavanja mogućnosti realizacije dodatne premijerne produkcije.

Direktor je istakao opredijeljenost za jačanje repertoarske ponude i realizaciju novih umjetničkih projekata, ukazujući pritom na finansijska ograničenja i dinamiku realizacije programskih aktivnosti u tekućoj godini, imajući u vidu da je za uspješnu implementaciju novih projekata neophodno pravovremeno osigurati potrebna finansijska sredstva. Članica Upravnog odbora Belma Čečo Bakrač posebno je istakla značaj obilježavanja 80 godina Opere Narodnog pozorišta Sarajevo, kao i činjenicu da jubilej 75 godina Baleta nije obilježen, a da je Balet NPS jedina organizaciona jedinica koja u cijeloj kalendarskoj godini nema planiranu premijeru. Naglasila je da Narodno pozorište Sarajevo predstavlja jedinu ustanovu kulture sa operom i baletom, te da ove umjetničke cjeline imaju posebnu odgovornost prema očuvanju i njegovanju umjetničkog naslijeđa, kao i da misli da je potrebno uložiti dodatne zajedničke napore kako bi se navedeni jubileji dostojno obilježili. Istakla je da je uvjerena da umjetnici Narodnog pozorišta Sarajevo imaju znanje, iskustvo i kreativni potencijal da osmisle i

realiziraju programe kojima bi se obilježili navedeni jubileji, te izrazila žaljenje što takvi prijedlozi nisu sadržani u dostavljenom Prijedlogu programa rada. Također je podsjetila da se Narodno pozorište Sarajevo i ranije suočavalo sa finansijskim izazovima i otežanim okolnostima rada, uključujući ratni period i period pandemije COVIDA-19, ali da su upravo u takvim okolnostima umjetnici pokazali odgovornost prema instituciji stvarajući umjetnički vrijedne i značajne programske sadržaje i predstave. Naglasila je da finansijska ograničenja ne bi smjela biti jedini okvir za promišljanje programskih aktivnost, posebno kada je riječ o obilježavanju značajnih jubileja institucije. Akcentirala je i to da razumije da pozorište zbog novonastalih finansijskih izdataka, ne može iznijeti veliki broj premijera, ali smatra da Pozorište postoji zbog predstava, da je to njegova osnovna djelatnost i da se zbog toga očekuje malo više kreativnosti. Ostali članovi Upravnog odbora podržali su iznesene stavove i prijedloge.

Direktor JU Narodno pozorište Sarajevo Vedran Tuče predložio je da Upravni odbor održi sastanak sa članovima Umjetničkog savjeta, navodeći da umjetnički savjet nije podržao dostavljeni Prijedlog programa rada za 2026. godinu.

Predsjednica Upravnog odbora Irma Efendić Adžajlić je predložila da, u ime Upravnog odbora, sastanku sa članovima Umjetničkog savjeta prisustvuju članovi Upravnog odbora Belma Čečo Bakrač, koja je ujedno članica iz reda uposlenih i član Emir Nuhanović kako bi se našla rješenja za obilježavanje navedenih jubileja, kako bi se Prijedlog programa unaprijedio i na koncu pomoglo da se dobije konstruktivan dijalog između direktora i Umjetničkog savjeta. Članica Belma Čečo Bakrač je rekla da na sastanke ne ide nepozvana, ali da je spremna pomoći i da će tom sastanku prisustvovati ako je to zaključak Upravnog odbora i ako je na poziv direktora. Direktor Vedran Tuče je ponovio poziv na sastanak Umjetničkog savjeta članovima Upravnog odbora Belmi Čečo Bakrač i Emiru Nuhanoviću.

Nakon razmatranja svih iznesenih prijedloga i sugestija, Upravni odbor jednoglasno je donio sljedeći Zaključak:

3.1. Zadužuje se direktor Javne ustanove Narodno pozorište Sarajevo da organizuje sjednicu Umjetničkog savjeta, uz prisustvo članova Upravnog odbora Belmu Čečo Bakrač i Emira Nuhanović, kao i vršioca dužnosti umjetničkih direktora Drame, Opere i Baleta, radi zajedničkog razmatranja mogućnosti unapređenja Programa rada i definisanja prijedloga koji će doprinijeti kvalitetnijem planiranju i realizaciji programskih aktivnosti Ustanove.

3.2. Cilj održavanja navedene sjednice jeste usaglašavanje konačnog prijedloga Programa rada, koji će biti upućen Upravnom odboru na dalje razmatranje i usvajanje.

4. Prijedlog Budžeta i programa Kultura na ulice za 2026. godinu (broj: 04A-KNU-3621/26) od 01.06.2026. godine u skladu sa osiguranim programskim sredstvima

Upravni odbor JU Narodno pozorište Sarajevo, donosi Zaključak:

1. Usvaja se Budžet i program *Kultura na ulice* (broj: 04A-KNU-3621/26) od 01.06.2026. godine kojim se utvrđuju troškovi u iznosu od 86.200,00 KM (bruto iznos).
2. Projekat će se realizovati u periodu Juni-august 2026. godine na gradskim ulicama, trgovima i ostalim prikladnim gradskim destinacijama.

5. Prijedlog Pravilnika o uslovima korištenja, iznajmljivanja i odobravanja popusta na prostore JU Narodno pozorište Sarajevo

Pravna služba JU Narodno pozorište Sarajevo dostavila je Prijedlog Pravilnika o uslovima korištenja, iznajmljivanja i odobravanja popusta na prostore o kojem se na sjednici razmatralo, te će uz određene izmjene i korekcije u skorijem roku Upravnom odboru dostaviti novi Prijedlog na usvajanje.

6. Razmatranje Ugovora o podzakupu poslovnog prostora sa privrednim društvom Sinmax d.o.o.

U vezi sa Zaključkom donesenim na 26. sjednici Upravnog odbora broj: 05-3261/26 od 18.05.2026. godine, direktor Pozorišta je zajedno sa saradnicima, izvršio obilazak prostora u sklopu kompleksa kompanije Sinmax d.o.o., na adresi Put Famosa 38, Hrasnica, te je tom prilikom utvrđeno da predmetni prostor svojim kapacitetima i gabaritima zadovoljava potrebe za organizaciju radionica i skladišnog prostora.

Ugovor je prije samog potpisivanja dostavljen Upravnom odboru, te nakon uvida u isti, Upravni odbor donosi Zaključak:

6.1. Daje se Saglasnost direktoru Pozorišta da potpiše Ugovor sa kompanijom, Sinmax d.o.o., sa sjedištem u ul. Put Famosa broj 38, Sarajevo, općina Ilidža, ID broj 4202666430006, uz dopunu da se u Ugovor o podzakupu u članu 9. doda: „- ukoliko Podzakupcu ne budu odobrena sredstva u budžetu za izvršenje obaveza iz ovog ugovora za narednu budžetsku godinu, podzakupac zadržava pravo da, bez naknade štete i dodatnih obaveza, raskine ugovor uz pisano obavještenje drugoj ugovornoj strani u roku od 30 dana od usvajanja budžeta.”

6.2. Zaključak je donesen Jednoglasno.

7. Izmjene i dopune Plana javnih nabavki za 2026. godinu

Upravni odbor usvaja Izmjene i dopune plana javnih nabavki za 2026. godinu koja obuhvata ispravku procijenjene vrijednosti nabavke – robe: nabavka materijala gotova obuća, materijal za održavanje čistoće i higijene, Cerada, nabavka Hoblarice za potrebe stolarije, nabavka usisivača za pilotu, podne obloge, Uslugu: usluga vazdušnog prevoza, arhitektonske usluge. – Radovi: postavljanje pregradni zidova, sanacija sanitarnog čvora, elektroinstalacijski radovi i instaliranje ventilacije. Procijenjena vrijednost nabavke, bez PDV-a: 57.000,00 KM.

8. Razmatranje žalbe Denis Zhuchenko broj: 3684/26 od 02.06.2026. godine

Upravni odbor JU Narodno pozorište Sarajevo je na 28. redovnoj sjednici Upravnog odbora održanoj dana 05.06.2026. godine razmotrio Prigovor Zhuchenko Denisa na Odluku o prijemu u radni odnos na radno mjesto: *Član ansambla I -1 Izvršilac*, na određeno vrijeme do 3 godine, broj:05-3495/26 od 26.05.2026. godine i Spisak kandidata među kojima se provodi izborni postupak, broj:06-3195/26 od 14.05.2026. godine, te donio sljedeću Odluku:

1. Prigovor Zhuchenko Denis-a, broj: 3684/26 od 02.06.2026. godine na Odluku o prijemu u radni odnos na radno mjesto: *Član ansambla I -1 Izvršilac* i Odluku Komisije, broj: 06-3195/26 od 14.05.2026. godine, odbija se kao neosnovan.

2. Potvrđuje se u cjelosti Odluka o prijemu u radni odnos na radno mjesto: *Član ansambla I -1 Izvršilac*, na određeno vrijeme do 3 godine, broj:05-3495/26 od 26.05.2026. godine.

9. Tekuća pitanja

Nije bilo tekućih pitanja.

Sjednica održana u Biblioteci
Trajanje sjednice: 10:00h-12:30h.

Dostaviti:

- članovi Upravnog odbora
- Ministarstvo kulture i sporta Kantona Sarajevo
- Pravna i kadrovska služba, web.nps.ba i a/a

predsjednica Upravnog odbora

IRMA EFENDIĆ ADŽALIĆ